



Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

De Indorum fide. Cap. XXIII.

urn:nbn:de:hbz:466:1-12704

THEODOR. HISTOR.

pietatis & castitatis athleta, velut adulter simul & tyrannus
in exilium pelleretur. Ille igitur per Thraciam profectus, vr
bem quandam Illyriæ petiuit.

De Episcopis hæreticis Antiochiæ post sancti Eusta-
thij mortem constitutis. CAP. XXII.

Post discessum Eustathii, Eulalius episcopus Antiochiæ
pro illo deligitur. Quo paulo post mortuo, Antioche-
ni habebant in animo Eusebium Episcopum Cæsareæ
ad se transferre. Verum cum & Eusebius ab uno episcopata
tu ad alterum transferri recusatet, & Imperator illud ipsum
fieri vetusset, Euphronium elegerunt. Quo etiam vita de-
functo (annum enim & menses aliquot postquam electus
erat, vixit) ecclesiæ illius episcopatus Placatio delatus est.
In horum omnium animis similiter delituit Ariana labes.
Quapropter quām plurimi tum ex clero, tum ex populo,
quibus propositum erat Deum sanctè & sincerè colere, re-
lictis publicis ecclesiæ cōuentibus, separatim per se con-
uentus agere cœperūt. Quos quidem Eustathianos omnes
propterea nuncupauere, quod post abitum Eustathii in v-
num coiuissent. Sed vt ad misericram illam meretricem redeā,
ea in morbum grauissimum maximeq; diuturnum delapsa,
insidias atq; adeo tragœdiam factionis Eusebianæ aperuit,
& non duos trésve sacerdotes, sed quām plurimos de fra-
duulentis Eusebii conatibus certiores fecit: seq; mercede cō-
ductam illud fictum crimen Eustathio intendisse: & tamen
iusiurandū, quo se obstrinxerat, non protus falsum esse: Nā
Eustathium quendam fabrum ærarium pueri patrem fuisse.
Atq; hæc quidem ab optima illa scilicet factione Eusebia-
na Antiochiæ patrata sunt.

De Indorum fide. CAP. XXIII.

PE R idem tempus diuinæ cognitionis lux apud Indos
orta est. Nam cum eximia Imperatoris Constantini for-
titudo & pietas singularis per omnium ora volitaret,
& Barbari vndique vsu experientiaque didicissent pacem
bello longe anteponendam esse, liberè ac fidenter om-
nes mutuam inter ipsos societatem inierunt. Ac multi
visendi causa, non pauci mercaturæ facienda, perlonga su-
cceperunt itinera. Quo quidem tēpore Tyrius quidam phi-
losophia

Iosophie peritus, desiderio extremæ Indiæ visendæ incensus, duobus comitatus adolescentibus, fratri sui filiis, eò profectus est. Qui simul atq; animi sui desideriū expleuerat, consensa naue in patriam redire maturat. Inter vias nauis aquationis gratia ad littus appulsa, Barbari forte in eos incursione facta, nonnullos demersere, alios abduxere captiuos. Ille autem Tyrius in mortuorum numerum ascriptus est: adolescentes verò ad regem Indorum deducti: quorum alteri AEdesius, Frumentius alteri nomen fuit. Cum longo tempore iam illius regionis Rex periculum istorum fecisset, & ingeniosos esse perspiceret, suæ ipsius familiæ curam illis imposuit. Quod si quisquā sit, qui verbis meis, minime fidē adhibeat, secum consyderet, res à Iosepho gestas, & regnum AEgypti ab eo administratum. Reuocet porro in memoria prophetam Danielem, & tres illos athletas, qui tā strenue pro pietate decertarunt. Etenim illi in bello capti, regni Babyloniorum administrationē obtinuere. Mortuo autem Indorum Rege, vixere cum filio suo permagno honore affecti. Ac quoniam in vero Dei cultu educati erant, mercatores, qui eo cōmeabant, cohortati sunt, vt in vnum congregati (vti fert mos Romanorum) diuina ministeria obirent. Longo verò iam tempore dilapso, veniunt ad regem, & mercedem suæ erga illum benevolentie postulant non aliam quidem, quam ut ipsis faciat potestatem in patriam reuertendi. Quare impetrata, in fines Romanorum aduentant: atque Aedesius recta Tyrum proficiscitur: Frumentius autem studium erga pietatem pluris faciens, quam aspectum parentum, Alexandriam contendit: docetq; illius ecclesiæ episcopum, Indos maxima duci cupiditate lumen diuinæ cognitionis percipiendi. Tenuit quidem id temporis ecclesiæ illius gubernacula Athanasius. Qui cum has res audiisset, quis, inquit, melius, quam tu, vel ignorantiae caliginem ab oculis animorum huius gentis dispellere, vel splendorem diuinæ prædicationis illis porrigere poterit? Quæcum dixisset, ei sacro sanctum episcopatus munus impertit: mittitq; ad animos illius gentis pietatis doctrinæ excolendos. Ille igitur tum patria relicta, tum longissimi pelagi traiectu neglecto, ad gentem contendit culturæ diuinæ penitus expertem. Quam quidem, diuina gratia iu-

Danie. 3.

B.B. uante,

THEODORITI HISTOR.

uante, summa cum animi alacritate excoluit. Nam miracu-
lis, quæ more apostolorum edebat, eos qui verbis & do-
ctrinæ suæ contradicere conabatur, in suam perturxit sen-
tentiam: & prodigiis, quæ faciebat, sua dicta confirmans,
quæ plurimos in dies singulos fidei Christi adiunxit.

De Iberorum ad pietatem traductione.

CAPVT XXXIV.

Quemadmodum Trumentius viam Indis ad Dei mon-
stravit cognitionem: sic eodem tempore mulier qua-
dam capta in bello, Iberes ad veritatem traduxit. Hec
enim assiduis in precibus se defixit: ei lectus fuit & molle
stragulum, saccus humi explicatus: iejunum summarum
delitiarum numeravit loco: hac laboriosa viuendi ratione
dona assoluta est planè apostolica. Nam quoniam Barba-
ris propter artis medendi inopiam in more positum erat, vt
si quando in morbum inciderent, alias alium adiret, & ab
ijs, qui modò ægrotauerant, atq; ad integrum erant restituti
valetudinem, diligenter perdisceret curationis modum, mu-
lier quædam ad hominem illam quam dixi modo, summa
laude ornandam, cum puerो morbo vexato recta accedit:
orat vt quid agendum sit, ab ea doceatur. Illa acceptum pu-
erum in lecto suo collocat: Deum vniuersitatis architectum
supplex precatur, vt benignus puerum morbo liberet. Qui
eius precem amplexus, puerum sanauit. Inde admirabilis
illa mulier in omnium ore ac sermone versari cœpit. Quod
eius factum etiam ad reginæ aures perlatum est. Itaque sta-
tim illam accersit ad se. Nam ipsa fortè graui morbo affli-
cta iacuit. Mulier ne quid suprà quā sexus muliebris fert,
tentare videretur, reginæ postulatum denegauit. At regina
necessitate compulsa, minimè quid regia sua dignitas po-
stularet, animo complexa est, sed propere ad captiuam ipsa
contendit. Mulier eam itidem in suo abiecto ac vili repo-
nit lecto, precesq;, medicamentum planè salutare, morbo
adhibet. Regina igitur è morbo recreata, mercedem cura-
tionis longe amplissimam, aurum nempe, argentum, indu-
sia, pallias, & id genus alia dona, quæ regalis poscit magnifi-
centia, mulieri apportat. Sancta autem & diuina planè mu-
lier dixit his sibi minime opus esse: seq; veri dei cultus. co-
gnitionem

Vide
Ruff. &
nota.